

**6 СЕНТЯБРЯ: Пренесение мощей святителя Петра, Митрополита
Киевского, Московского и всей России чудотворца.**

Вечером 5 сентября

Изменяемое №1

На Господи возвах:

Стѹх: Изведи из темницы душу мою, исповедатися имени Твоему.

Стѹх: Мене ждут праведницы, дондеже воздаси мне.

Стѹх: Из глубины возвах к Тебе, Господи, Господи, услыши глас мой.

Стѹх: Да будут уши Твои внемлюще гласу моления моего.

Стѹх: Аще беззакония азриши, Господи, Господи, кто постоит; яко у Тебе очищение есть.

Глас 1. О, дивнаго чудесе! Источник чудес, под землею сокровенный, днесь преславно всем является, и самодержца купно со архиерейскими священными руками преславно в церковь носится, иже от нас духом не разлучаяся, и своим пренесением всех освящает. Емуже, вернии, возопиём: святителю Петре, радуйся и Христу молися даровати молитвами твоими миру велию милость.

Стѹх: Имене ради Твоего потерпех Тя, Господи, потерпел душа моя в слово Твое, уповала душа моя на Господа.

О, дивнаго чудесе! Иже иногда землею покровенный, днесь преславно, яко на херувимском носиле, на плещу архиерейску и самодержца носится, всенародное же множество, священники и людие, честно последствуяще, радостная глаголют: архиерею Петре, радуйся и моли даровати твоим пренесением миру велию милость.

Стѹх: От стражи утренния до нощи, от стражи утренния, да уповает Израиль на Господа.

Твое преславное пренесение славят архиереи купно со священными соборы и всенародным множеством, в преславном твоём пренесении красящися, празднственная ликования тебе

воспевающе, глаголют:/ пресла́вне Пётре, ра́дуйся/ и моли́ дарова́ти моли́твами тво́ими ми́рови/ ве́лию ми́лость.

Стѹх: Яко у Го́спода ми́лость, и мно́гое у Него́ избавле́ние, и То́й изба́вит Изра́иля от всѣх беззако́ний его́.

Глас 2. Ки́ими похва́льными пе́снями/ ны́не соста́вим ликова́ние/ в честне́м пра́зднице твоего́ пренесе́ния, святите́лю?/ Духо́вно пра́зднующе, мо́лимся:/ моли́ во́инству на́шему победи́тельная на враги́ дарова́ти,/ тебе́ бо те́пла моли́твенника ко Влады́це стяжа́хом,/ пода́ющему ми́рови ве́лию ми́лость.

Стѹх: Хвалите́ Го́спода всѹ язы́цы, похвалите́ Его́ всѹ лю́дие.

Ки́ими похва́льными добро́тами/ воспоём во архиере́ех сла́внаго,/ и в ве́ре вели́каго,/ и в повеле́ниях доброра́зсуднаго,/ и во уче́нии язы́ка сла́достнаго,/ уче́нием Це́рковь обогаща́юща?/ Его́же венцы́ венча́ет Христо́с, Бог наш,/ имéяй ве́лию ми́лость.

Стѹх: Яко утверди́ся ми́лость Его́ на нас, и ѹстина Госпо́дня пребыва́ет во вѣк.

Ки́ими духо́вными пе́снями/ воспоём святите́ля,/ уче́нием к богора́зумию всех наста́вльшаго,/ исто́чника чудес пречу́днаго,/ и пресвѣтлаго Це́ркви свети́льника,/ и учи́теля прему́дра,/ Росси́йския земли́ прекра́сное удо́брение?/ Его́же ра́ди Христо́с враго́в шата́ние низложи́,/ имéяй ве́лию ми́лость.

Сла́ва, глас 6: Архиере́ов похвалу́, и священных всех украше́ние,/ и к Бо́гу моли́твенника непреста́ема,/ и исто́чника чудес преизоби́льна,/ днесь лю́бовию соше́дшеся,/ святите́ля Петра́ восхва́лим/ и, честны́я его́ мо́щи обсто́яще,/ благода́рная тому́ прино́сим, глаго́люще:/ ра́дуйся, святите́лю Пётре,/ свети́льниче пресвѣтлый,/ озаря́я изря́дно твоё досто́яние,/ оте́чество же и лю́ди,/ о нѣхже непреста́нно Христу́ моли́ся,/ ми́рно жити́е дарова́ти,/ да вси честно́е твоё пренесе́ние лю́бовию ублажа́ем и мо́лимся:/ моли́ спаст́ися душа́м на́шим.

И ны́не, Богоро́дичен: Кто Тебе́ не ублажит, Пресвята́я Дево;/ кто ли не воспое́т Твоего́ Пречиста́го Рожде́ства;/ безлетно́ бо от Отца́ возсия́вый Сын Едино́родный,/ Тойже от Тебе́, Чисты́я, пройде́,/ неизрече́нно вопло́щся,/ естеством Бог Сый,/ и естеством быв Че́ловек нас ради;/ не во двою́ лицу́ разделя́емый,/ но во двою́

естеству/ неслитно познаваемый./ Того моли, Чистая Всеблаженная,/ помиловаться душам нашим.

<далее см. основной Чин>

Изменяемое №2

Прокімен после «Свѣте тѣхий»: *См. Прокимен дня <далее см. основной Чин>*

Изменяемое №3

Паримии:

Прѣтчей чтѣние (главы 10, 3 и 8):

Пáмьятъ прáведнаго с похвалáми,/ и благослóвение Госпóдне на главѣ егó./ Блáжен человек, íже обрѣте премúдрость,/ и смѣртен, íже увѣде рáзум./ Лúчше бо сýю куповáти, нѣжели злáта и сребрá сокровища./ Честнѣйшая же есть кáмений многоцѣнных,/ все же честнóе не достóйно ея есть./ Долготá бо дней и лѣта животá в десни́це ея,/ в шу́йце же ея богáтство и Сла́ва./ От уст ея исхóдит прáвда,/ закóн же и мѣлость на язýце нóсит./ Послúшайте úбо менѣ, о чáда, честнáя бо реку,/ и Блáжен человек, íже путѣи моѣ сохранѣт:/ исхóди бо мой – исхóди животá,/ и уготóвля́ется хотѣние от Гóспода./ сегó рáди молю́ вас и предлага́ю мой глас сыновóм челове́ческим:/ я́ко аз, премúдрость, устро́их совѣт,/ и рáзум и смýсл аз призва́х./ Мой совѣт и утверждѣ́ние,/ мой рáзум, моѣ же крѣпость./ Аз менѣ лю́бящия люблю́,/ ищущи́и же менѣ обря́щут благода́ть./ Разуме́йте úбо, незлóбиви́и, кова́рство,/ ненака́занни́и же, прилага́йте серде́цá./ Послúшайте менѣ и па́ки, честнáя бо реку,/ и отвѣ́рзу от усте́н пра́вая,/ я́ко íстине поучѣ́тся гортáнь мой,/ мѣрзски же предо мно́ю устны́ лжѣ́выя./ С прáвдою вси глаго́лы уст моѣх,/ ничтóже в них стрóпотно, нѣже развра́щенно./ Вся пра́ва суть разумева́ющим/ и прóста обрета́ющим разум./ Научáю бо вас íстине,/ да бýдет о Гóсподе наде́жда ва́ша,/ и испóлните́ся Дýха.

Премúдрости Соломóни чтѣние (главы 4 и 5):

Пра́ведник áще пости́гнет сконча́тися, в поко́и бýдет./ Осúдит же пра́ведник умира́яй живу́щия нечестѣ́выя./ Úзрят бо кончи́ну пра́веднаго, и не разуме́ют, что совеща́ша о нем?/ Я́ко повер́жет Госпóдь нечестѣ́выя безгласны́и ниц/ и поколе́блет их от основáний, и до послѣ́дняго исчѣ́знут в болѣ́зни,/ и пáмьятъ их погѣ́бнет./ При́идут бо в помышле́ние согрѣше́ний своѣх ужáсни,/ и обличи́т их сопроти́в

беззаконія их./ Тогда станет в дерзновении мнозе праведник пред
лицем оскорбивших его/ и отметающих труды его./ Видевше же его,
смятутся страхом многим/ и ужаснутся о преславном спасении его./
Рекут бо в себе, кающиеся,/ и в тесноте духа воздохнут, и рекут:/ сей
бе, егоже имехом некогда в посмех/ и в притчу поношения./
Безумнии, житие его вменихом нейстово и кончину его безчестну./
Како вменися в сынех Божиих и во святых жребий его есть?/ Убо
заблудихом от пути истиннаго,/ и правды свет не облистá нам, и
солнце не возсия нам./ Беззаконных исполнихомся стезь и
погибели,/ и ходихом стези непроходны,/ пути же Господня не
разумехом.

Премудрости Соломона чтение (главы 10, 6, 8 и 9):

Уста праведнаго каплют премудрость,/ устне же мужей мудрых
ведят благодать./ Уста мудрых поучатся премудрости,/ правда же
избавляет их от смерти./ Скончавшуся мужу праведну, не погибнет
надежда./ Сын бо праведен раждается в живот/ и во благих своих
плод правды обьмет./ Свет праведным всегда,/ и от Господа
обрещут благодать и славу./ Язык мудрых добрая свесть,/ и в
сердце их почиет мудрость./ Любит Господь преподобная сердца,/
приятни же ему вси непорочнии в пути./ Мудрость Господня
просвещает лице разумнаго./ Постигает бо желающия ю, прежде
даже разумети ю,/ и удобь узрится от любящих ю./ Утреневавый к
ней не утрудится,/ и бдяй ея ради вскоре без печали будет./ Яко
достойных ея сама обходит, ищущи,/ и во стезях ея является им
благоприятне./ Мудрости никогдаже одолеет злоба./ Сих ради и
рачитель бых доброты ея,/ и возлюбих ю, и поисках от юности
моея./ И взысках невесту привести себе,/ яко всех Владыка возлюбил
ю./ Тайбница бо есть Божия хитрости/ и обретательница дел Его./
Труды ея суть добродетели,/ целомудрию же и разуму та учит,
правде и мужеству,/ ихже потребнее ничтоже есть в житии
человеком./ Аще же и многого искусства желает кто,/ весть древняя
и быти хотящая разсмотрит./ Свесть извещения словес и разрешения
гаданий,/ знамения и чудеса проразумеет и сбытия времен и лет,/ и
всем советник есть благ,/ яко безсмертие есть в ней и благославие

во общении словес ея./ Сего ради беседовах ко Господу, и помоліхся ему,/ и рех от всего сердца моего:/ Бóже отцев и Господи мѣлости,/ сотвори вы вся словом Твоим и мудростию Твоею устроивый человека,/ да владеет бывшими от Тебѣ тварьми/ и да управляет мир в преподобии и правде./ Дажь ми Твоих престолов приседящую премудрость/ и не отлучи мене от отроков Твоих,/ яко аз раб Твой и сын рабыни Твоея./ Посли ю с Небес от святаго жилища Твоего/ и от престола славы Твоея,/ да, сущи со мною, научит мя, что благоугодно есть пред Тобою./ И наставит мя в разум,/ и сохранит мя в славе своей./ Помышления бо смертных вся боязлива/ и погрешительна умышления их.

<далее см. основной Чин>

Изменяемое №4

Лития *глас 2:*

Христово стадо словесных овец/ на злѣце благочестия добре упасл еси, святителю,/ темже и по преставлении/ церковная твоя чада не остави, посещая,/ и, яко Троице со святители предстоя,/ молися спасти всех,/ твое честное пренесение любвию почитающих,/ Пётре всехвальне.

Тезоименитаго ради твоего жития,/ и сладости языка,/ и разсуждения доброразсуднаго/ пастыря тя людем Христос вручает./ Егоже моли спасти и ущедрити всех,/ пресветлую память твою празднующих/ и честное пренесение мощей твоих любвию почитающих,/ Пётре преславне,/ молитвенниче теплый о душах наших.

Днесь преславно, святителю,/ от твоих и к твоим честно преходиши,/ да твоим шествием всех освятиши/ и радости наполниши память твою любвию празднующих,/ и честное прехождение твое верно славящих,/ и прилежно вопиющих:/ моли, молимся, спастися душам нашим.

Слава, и ныне, глас 8: Град освятися,/ и народи благословишася,/ и Церковь первородных духом ликовствует/ в пренесении честных мощей твоих,/ святителю Пётре, с людьми зовущи:/ ты моя крепость

и утверждение,/ ты моя доброта, и тобою хвалясь./ Моли спастись всем,/ любовью всемирное твоё пренесение присно славящим.

<далее см. основной Чин>

Изменяемое №5

По полиелёи седáлен *глас 8:*

Украшаемъ жития светлостію, благими нравы обогатился еси,/ темже и по преставлении чудодѣйствуеши, святителю Пётре прехвальне./ Моли Христа Бога согрешений оставление даровати/ любовью почитающимъ честное твоихъ мощей пренесение.

Слава, и ныне: Яко Всенепорочная Невѣста Творцѹ,/ яко Неискусомужная Мати Избавителю,/ приятелище яко сущи Утешителя, Препѣтая,/ беззаконію мя суща скверное обителище и бесомъ игралище в разуме бывша,/ потщися от техъ злодѣйства мя избавити/ и светлое жилище добродѣтелей соверши, Светоносная Нетленная,/ отжени облакъ страстей и Вышняго причастія сподоби/ и Свѣта невечерняго молитвами Твоими.

<далее см. основной Чин>

Изменяемое №6

Степѣнна, 1-й антифѣн 4-го гласа.

Прокімен *глас 4:* Уста моя возглаголют премудрость/ и поучение сердца моего разум. *Стих:* Услышите сия, вси языцы, внушите, вси, живущии по вселенней.

<далее см. основной Чин>

Изменяемое №7

По 50-м псалмѣ стихіра *глас 6:*

Егда пренесение честныхъ твоихъ мощей, отче, бѣяше,/ тогда князь великий со князи и со святители, подъемше мѣщи,/ честно ношаху тебѣ,/ народи же, зряще тя, светло носима,/ любовью одержими бяху./ Князь же великий Иоáнн со слезами вопіяше ти:/ о владыко,/ кое благохваление твоему пренесению сотворимъ?/ Недоумѣю и удивляюся твоему милосердію,/ еже на насъ показáл еси./ Но ўбо, святителю Пётре,/ молися прилѣжно Христу Богу нашему,/ сохранити люди и градъ твой,/ пренесение твоѣ вѣрно славящия.

<далее см. основной Чин>

Изменяемое №8

Канѣн пренесѣнія *глас 4.*

Песнь 1

Ирмос: *Отвѣрзу уста моя,/ и наполятся Духа,/ и слово отрыгну Царице матери,/ и явлюся, светло торжествуя,/ и воспою, радуясь, Той чудеса.*

Повелѣнием Владыки твоего, святителю, подобяся,/ кроток и смирен был еси/ и отсюда в чину ублажаемых быти сподобился еси./ Тѣмже днесь преславное твоѣ пренесѣние почитаем.

Благочестиваго корене пресветлая отрасль,/ преславно прозябл еси, архиерѣю Пѣтре,/ и, в добродѣтели совершенно пожив,/ сосуд чист Духа Пресвятаго, отче, был еси.

Сопрестольник и учитель всея земли Россійския, отче, был еси,/ тем ныне сошедшеся в пречестный храм/ на пренесѣние честныхъ мощей твоихъ, святителю Пѣтре пречудне,/ просим греховъ прощѣния.

Богородичен: Ты еди́на, Богоневѣсто, в Вы́шнихъ Седящаго на руку плотию носила еси,/ Тебѣ избра́ от всехъ родовъ прѣтелище достойно Вседержитель.

Ин канон глас 8.

Песнь 1

Ирмос: *Воду прошед, яко сушу,/ и египетскаго зла избежав,/ израильтянин вопіяше:/ Избавителю и Богу нашему поим.*

Великаго князя рукама честнó, архиерѣю, шествие твориши,/ да вся твоимъ прикосновѣнием освятиши,/ пренесѣние твоѣ славящия.

Иоанна Милостиваго нравомъ подобяся,/ и сего́ ради милостивъ к трѣбующимъ, святителю, был еси,/ тѣмже днесь твоѣ пренесѣние чѣстно прославляем.

Всея Россіи архиерей, отче, был еси/ и всехъ научил еси славити в Троице еди́но Божество, присно пребывающее./ Тѣмже ты вси пѣсньми ублажаем.

Богородичен: Заступнице скорбящихъ и спасѣние ненадеющихся, Богородице Всепетая,/ моли прилѣжно избавится намъ отъ бедъ.

Песнь 3

Ирмос: *Твоя песнословцы, Богородице,/ живый и незавѣстный Источникъ,/ ликъ себя совокупльшия, духовно утверди,/ в Божественней Твоей славе/ венцевъ славы сподоби.*

Благословѣніем твоѣм вся возмѡгл есѣ, о укрѣпляющем тя Христѣ,/ и оляденѣвшія иногда людем бразды душѣвныя/ премудрыми твоими учѣньми, святителю, очѣстѣл есѣ/ и плодотворны сотворѣл есѣ.

Фарисѣйское кичѣніе от юности, ѡтче, возненавидѣв/ и мытареву смиренію поревновав,/ кроток и смирен ко всем был есѣ,/ сего ради вси тя, яко вину и ѡбраз благих, почитаем.

Исполни радости и веселія тебѣ присно, святителю Пѣтре, любящія/ и торжественная твоему честному пренесенію в пѣснях всегда поющія.

Богородичен: Тя, заступленіе неблазненно, Богомати, стяжавше/ и упованіе на Тя возлагающе, спасаемся/ и, к Тебѣ прибегающе, сохраняемся.

Ин

Ирмос: Небеснаго круга Верхотворче, Господи,/ и Цѣркве Зиждителю,/ Ты мене утверди в любви Твоей,/ желаний краю, верных утверждение,/ Еди́не Человеколю́бче.

Лицем к лицу, зеркалом разрешшимся, зриши Святую Троицу,/ Ёйже со святители о нас, Пѣтре, молиси,/ верою твоѣ пренесеніе славящих.

Исполнен радости днесъ день пренесеніем твоим, святителю,/ и всех к торжеству воздвизаеши, Христови с веселием вопѣти:/ несть свѣта, паче Тебѣ, Человеколю́бче.

Паки нас честным твоим явленіем, святителю Пѣтре, веселиши,/ паки твоим прикосновѣніем всех освящаеши и учиши Христови вопѣти:/ несть свѣта, паче Тебѣ, Господи.

Богородичен: Живота нетленного Божия Скінія была есѣ,/ еди́на от века явльшися Дѣва Мати Чистая./ В сѣни мя суща смѣртней к животу настави молитвами Твоими.

Ин кондак, глас 4: Явѣся днесъ пресвѣтлая пѣмь твоѣ, святителю преблаженне Пѣтре,/ в міре свѣтло сияющи/ и являющи всем/ Божественное сияніе.

Седáлен, глас 4: Молíтвам и мíлостыням, святíтелю Пётре, прíсно прилежа́,/ мíлостив к трéбующим, óтче, незавíстно был есí,/ тёмже ты почита́ющих от сопроти́вных зол избавля́й,/ да вси твоё пренесéние любóвию почита́ем.

Слáва, и ны́не, Богорóдичен: Свёта рóждшая Пречíстаго, от Отца́ возсия́вшаго прéжде век,/ просветí, Отрокови́це, ду́шу мою́ и ум,/ далéче от менé отгоня́щи тьму страсте́й,/ да Тя ублажа́ю, Присноблаже́нную, вёрным упова́ние.

Песнь 4

Ирмо́с: Седя́й в сла́ве на Престо́ле Божества́,/ во óблаце лёгце/ при́де Иису́с Пребоже́ственный/ Нетле́нною Дла́нию и спасé зову́щия:/ Сла́ва, Христé, си́ле Твоéй.

Митрополи́та тя Росси́йская страна́ пресла́вно, святíтелю Пётре, стяжавши́,/ тобо́ю красу́ется с мона́си, и архиере́и, и со всенаро́дным мно́жеством, Христá воспева́ющими,/ сим тебе́ прíсно дарова́вшаго.

Всея́ Росси́и первопресто́льный и архиере́й, святíтелю Пётре, был есí/ и всех твои́м учéнием просветíл есí./ Тёмже па́мять твою́ почита́ем и, пренесéние твоё сла́вяще, вопи́ем:/ моли́ о всех, пою́щих тя.

Богорóдичен: Кре́пкое Тя ору́жие на враги́ предлага́ем,/ и ско́рби вся́кия лю́тых обстоя́ний отрева́ем вред,/ и ерети́ческих возму́щений, Ма́ти Бо́жия, избега́ем.

Ин

Ирмо́с: Услы́шах, Го́споди,/ смотре́ния Твоего́ та́инство,/ разуме́х дела́ Твоя́/ и просла́вих Твоё Божество́.

Благода́рное сиé пéние принося́щих ти чад не прéзри, святíтелю,/ но прими́ сиé и доноша́й Творцу́ и Бо́гу,/ да вси честно́е твоё пренесéние любóвию почита́ем.

Принесéся дар Бо́гу – тобо́ю мно́жество спаса́емых,/ твоему́ учéнию прíсно последующих и Христá во хвалéнии воспева́ющих,/ тебе́ сим дарова́вшаго.

Рук твоих к Бóгу воздеянием, святителю, преслáвная чудодéйствиуеши,/ вéрою приходящим исцелéния подаё,/ тёмже вси твоё пренесéние чéстно почитáем.

Богорóдичен: С Бóгом Тя Застúпницу стяжáхом:/ Ты бо Мáти Бóжия была есí Творцá и Содéтеля,/ нáше воображéние приéмша, Всенепорóчная,/ всех от смёрти и тли спáсшаго.

Песнь 5

Ирмós: Ужасóшася вся́ческая/ о Божéственной слáве Твоёй:/ Ты бо, Неискусобráчная Дéво,/ имéла есú во утрóбе над всёми Бóга/ и родилá есú Безлётнаго Сýна,/ всем воспева́ющим Тя/ мир подава́ющая.

Многогрéшнаго, нерадéнием изжívша житиé, не возгнуша́йся, святителю,/ но тво́ими молíтвами очíсти,/ твоё пренесéние пéснями прíсно трудолю́бию сла́вшаго.

Пахóмия áнгельскому видéнию сподóбившася, сего́ правíлу навýк,/ мнóгажды без сна в молíтве всю но́щь, святителю, пребы́л есú,/ отону́дуже сподóбился есí Гóрняго звáния.

Смирén нрав и высóко éже по Бóзе житиé стяжáл есí, святителю./ Тёмже и Всевíдящее óко, вíдев дóброе твоё произволéние,/ слáвна ты всем концéм показá, Христós, Спас душ нáших.

Богорóдичен: Едíну Тебé, Всенепорóчная, от родóв избрáв Пречíстую,/ вселíся в Тя и челове́ки обожí./ Тёмже, я́ко мáтерне дерзновéние к нему́ стяжавши,/ моли́ о íже Богорóдицу Тя именúющих.

Ин

Ирмós: Вскúю мя отрíнул есú/ от лицá Твоегó, Свéте Незаходúмый,/ и покрýла мя есть чуждáя тьма, ока́янного?/ Но обратí мя и к свéту за́поведей Тво́их/ путí моя напра́ви, молю́ся.

Рыда́ют попремно́гу гóрце бéсове,/ молíтвами тво́ими от челове́к отгонíми;/ изря́дная же ча́да тво́я, ны́не тебé чéстно, святителю Пётре, преносíма вíдяще, ра́дуемся.

Божéственную благодáть в честнéм твоéм пренесéнии зря́ще,/ попремно́гу священная тво́я ча́да ра́дуются:/ зра́ком бо голубíным извещáет всем лю́бящим тя Дúха Свята́го спребывáние.

К Бóгу моли́твами тво́ими, о́тче, ми́рно жити́е дарова́ти моли́ся/ и
укрепи́ о́течество и все правосла́вие;/ да тобо́ю от злых
избавля́емы,/ почита́ем честно́е тво́е пренесéние, Пётре прехва́льне.

Богоро́дичен: Наслажда́ющися, Пречи́стая, Тво́их дарова́ний,/
благодарственное воспева́ем пéние,/ ве́дуще Тя Богома́терь.

Песнь 6

Ирмо́с: Божéственное си́е и всечестно́е/ соверша́юще пра́зднество,/
Богому́дрици, Богома́тере,/ прииди́те, рука́ми воспле́щим,/ от не́я ро́ждшагося
Бо́га сла́вим.

На смире́ние на́ше свы́ше ми́лостивно назира́й, ве́рно тебе́ при́сно
сла́вящих,/ и моли́ся, вся́кия ско́рби изба́вити,/ тебе́ те́пла
предста́теля к Бóгу, святите́лю, стяжа́вшия.

Селе́ние яви́лся еси́ прекра́сно Ду́ха Свята́го,/ богодохнове́нными
уче́нии тво́ими оби́льно пита́я словéсная тво́я чада./ Отню́дуже и по
преставле́нии спребыва́еши любя́щим тя, святите́лю.

Богоро́дичен: Поём, Де́во Богома́ти, па́че естества́ рождество́ Тво́е и
Тво́ю нетле́нную чистоту́,/ и́бо из Тебе́ дивно́ сочта́ся де́вство и
рождество́ нетле́нно, Богоневéсто.

Ин

Ирмо́с: Моли́тву проли́ю ко Го́споду/ и тому́ возведу́ печа́ли мою́,/ я́ко зол ду́ша
мо́я испо́лнится,/ и живо́т мой а́ду прибли́жися,/ и молю́ся, я́ко Ио́на:/ от тли, Бо́же,
возведи́ мя.

А́ще и преста́вился еси́ от земны́х, святите́лю,/ но жив в Вы́шних
со А́нгелы Бóгу предстои́ши./ Помина́й нас, честно́е тво́е пренесéние
при́сно сла́вящих.

Блаже́ни роди́телие, и́же тебе́ роди́вшии,/ Бла́женно же и ме́сто,
е́же тебе́ воспита́вшее,/ блаже́н же и преблаже́н и град,/ и́же тебе́
тако́ва учи́теля стяжавый, Пётре пресла́вне.

Не терпи́ши, святите́лю, проче́е вре́мя под земле́ю сокрове́н бы́ти/
те́мже и всем себе́ явля́вши,/ я́ко да всех тво́им явле́нием освяти́ши,
блаже́нне.

Богоро́дичен: Вседержи́тельною си́лою нося́й вся́ческая,/ немощно́ю
плóтию из Тебе́ оде́яся, Де́во Пренепоро́чная,/ на благоде́яние
челове́ков, Человеколю́бец.

Конда́к, глас 8: Яко врача́ преизря́дна и исто́чника чудесе́м оби́льна,/ днесь соше́дшися любóвию, духо́вная тво́я чада,/ в пренесе́ние честны́х моще́й твои́х,/ архиере́ю Пётре, моли́м тя:/ моли́ Христа́ Бо́га дарова́ти честны́м твои́м пренесе́нием/ ве́рному во́инству на́шему на враги́ победíteльная,/ да твои́ми к Бо́гу моли́твами находя́щих зол изба́вльшися,/ ра́достною душо́ю и весе́лием се́рдца/ благода́рная ти воспоём, глаго́люще:/ ра́дуйся, о́тче Пётре, архиере́ев и все́я Росси́йския земли́ удобре́ние.

И́кос: От ю́ности Божество́нное твоё жити́е, святите́лю, до́бре испра́вь,/ внима́тельным о́ком всегда́ к Вы́шним зря и та́мошних непреста́нно жела́я,/ отню́дуже вели́кия ра́ди добродете́ли и премудро́сти язы́ка/ архиере́йства са́ном укра́шен быв,/ Це́рковь и лю́ди твои́ми уче́нии обогати́л еси́./ Те́мже и тече́ние благоче́стно соверши́в,/ к Бо́гу пресла́вно ду́хом преше́л еси́,/ нам честны́я мо́щи в па́мять оста́вь,/ ихже ны́не честно́е и пресла́вное пренесе́ние пра́зднующе, мо́лимся,/ победíteльная на враги́ ве́рному во́инству дарова́ти,/ я́ко да в ти́шине богоуго́дно пожи́вше,/ тебе́ ра́достною душо́ю благода́рная воспоём, глаго́люще:/ ра́дуйся, о́тче Пётре, архиере́ев и все́я Росси́йския земли́ удобре́ние.

Песнь 7

Ирмо́с: Не послужи́ша тва́ри Богому́дрии/ па́че Созда́вшего,/ но, о́гненное преще́ние му́жески попра́вше,/ ра́довахуся, пою́ще:/ препе́тый отце́в Госпо́дь и Бог, благослове́н еси́.

Свы́ше от Бо́га дар тезоимени́тому гра́ду и все́й земли́ дан был еси́, святите́лю Пётре,/ удивля́я уче́нием вся, Христу́ вопию́щая:/ благосло́вен Бог отец на́ших.

Архиере́ов пресве́тлая доброта́, о́тче Пётре, был еси́/ и Христо́вы Це́ркве столп и утвержде́ние./ Те́мже помина́й честно́е твоё пренесе́ние сла́влящая, пресла́вне.

Богоро́дичен: Всем челове́ком Хода́таица еди́на яви́ся Божество́ннаго изба́вления,/ Изба́вителя всех ро́ждши,

Всенепорóчная, Емúже поём:/ препётый отёц нáших Бóже, благословён есý.

Ин

Ирмós: *От Иудéи дошédше, óтроцы/ в Вавилóне иногдá/ вéрою Тройческою плáмень пéщный попрáша, поюще:/ отцév Бóже, благословён есý.*

Твоё пренесёние чтúщих, святítелю,/ архиерéя же, и люóди, и священнх собóры,/ молítвами твоýми óгненнаго родствá избáви, Христú вопиющия:/ благословён Бог отёц нáших.

Всеvíдящее Óко, провíдев твоегó рáзума доброразсúдное,/ пáстыря тя Своým люóдем поставлáет,/ да всех научíши Христú воспевáти:/ благословён Бог отёц нáших.

Во всем житíи твоём, святítелю, наkáзатель и учítель всем был есý/ и светíльник многосвётлый, просвещáя во мрáце невédения лежáщия, и Христú вопия:/ благословён Бог отёц нáших.

Богорóдичен: **Зачáла есý, Пречíстая, над все́ми Бóга и Гóспода,/ благоволи́вшаго спасти́ челове́ческий род от тлénия и смérти,/ Емúже по достоя́нию поюще, зовём:/ благословён Бог отёц нáших.**

Песнь 8

Ирмós: *Óтроки благочестúвыя в пещú/ Рождество́ Богорóдичо спасло́ есть,/ тогдá úбо образúемое,/ ны́не же де́йствуемое,/ вселénную всю воздвизáет пéти Тебé:/ Гóспода пойте, делá,/ и превозносите егó во вся вéки.*

Божéственное пребывáние Святáго Дúха, óтче, был есý,/ тёмже и в житíи сем я́ко вне мíра быв, к тáмошним всегда́ рачéние имýй./ Тёмже и всех научíл есý Христóви пéти:/ Гóспода воспевáйте, делá, и превозносите егó во вéки.

По Бóзе застúпника тя превели́ка, святítелю, духо́вная твоя́ чада стяжáвше,/ вся́кия сопротíвныя вéщи тобóю да избáвимся/ и в тишинé поживём, Христóви поюще:/ Гóспода воспевáйте, делá, и превозносите егó во вéки.

Богорóдичен: **Глагóлом прорóческим послéдующе, Дéво, Богорóдицу Тя возвещáем:/ родилá бо есý Отрочá, всех дрéвнейшее, Емману́ил нарицáемо./ Емúже ны́не зовём:/ Гóспода пойте, делá, и превозносите егó во вéки.**

Ин

Ирмос: Царя Небеснаго,/ Егѡже поютъ вои Ангельстии,/ хвалите и превозносите во вся вѣки.

Владыку за ны моли, святителю, пресвѣтлый храмъ тебѣ воздвигшаго,/ ведяще, яко имаши дерзновение,/ тебѣ бо ко Христу предлагаемъ ходатая и неусыпна молитвенника, Пётре прехвальне.

Преславнымъ твоимъ явлениемъ, святителю, всяко сомнѣние твой храмъ здати хотѣющимъ отгониши/ и на дѣло возставляеши, Творцу вопити:/ благословите, вся дѣла Господня, Господа,/ пойте и превозносите егѡ во вѣки.

По божественномъ твоёмъ преставлении, святителю,/ юношу, разслабленне рuce имуще от рождѣния, исцелил еси/ и яко ничтоже зла пострадавша сотворил еси, Христови вопиюща:/ благословите, вся дѣла, Господа,/ пойте и превозносите егѡ во вѣки.

Богородичен: Помышления моя, Чистая, окорми к Твоему тихому пристанищу,/ Твоего безстрастия и чистоты, да Твоему Сыну воспеваю:/ благословите, вся дѣла Господня, Господа/ и превозносите егѡ во вѣки.

Пѣснь Богородицы: Величитъ душа моя Господа: *<см. основной Чин>*

Песнь 9

Ирмос: Всякъ земнородный/ да възиграется, Духомъ просвѣщаемъ,/ да торжествуетъ же Безплотныхъ умовъ естество,/ почитающее священное торжество Богоматере,/ и да вопиетъ:/ радуйся, Всеблаженная Богородице,/ Чистая Приснодѣво.

Светелъ честный праздникъ преставления твоего, архиерее Пётре,/ светлейше же пренесѣние твоѣ,/ егѡже вси славяще, тебѣ величаемъ.

Источникъ благочестия явился еси, святителю, цѣрковная твоя чада напоая;/ темже, сошедшися, благочестно священное твоѣ пренесѣние любовью почитаемъ.

Словесъ твоихъ, отче, сладкое вещаніе, вѣрныхъ сердца к любви Божии привлечѣ,/ чудесъ же свѣтлостію вся человеки удивил еси./ Темже ты вси благочестно величаемъ.

Богородичен: В плоть из Тебѣ, Всенепорочная, одѣявся,/ в міре яко Человекъ поживѣ/ и дрѣвле всехъ мучащаго Божественною Своєю силою низложѣ.

Ин

Ирмос: Воистинну Богородицу,/ Тя исповедуем,/ спасеннии Тобою, Деве Чистая,/ с Безплотными лики Тя величающе.

Премудрости сокровище быв, святителю,/ сердца верных людей озаряя учением твоим./ Темже яко учителя ты премудра ублажаем/ и священное твое пренесение почитаем.

Божественным учением твоим, святителю,/ еретика, чуждая от Церкви учения имуща, отразил еси/ и не хотяща повинутися сего анафеме предал еси.

Певцем тебе, святителю Петре, похвальная поющим, свыше помощи низпосли,/ да тебе всегда в песнях величаем.

Богородичен: Мiro тайно именуем Тя, Пречистая,/ яко родши Бога плотию,/ благоухания источающая дарование.

<далее см. основной Чин>

Изменяемое №9

Светилен:

Архиерею Петре, воистинну тезоимените верховному,/ достойно звание от дел прием,/ данный ти талант добре умножив,/ внутрь чертога быв, идеже со святыми живёши,/ поминай твое пренесение славящих.

Богородичен: Державным Твоим покровом от враг навета нас, Чистая, Твоя рабы, сохрани вся невредны:/ Тя бо стяжанием единому прибежище в скорбех.

<далее см. основной Чин>

Изменяемое №10

На стиховне стихиры глас 2:

От Вышняго промысла/ премудрости навик,/ люди твоя/ твоим учением просветил еси,/ о нихже не престай, святителю, моляся.

Стих: Священницы Твои облечутся в правду,/ и преподобнии Твои возрадуются.

Дом Духа Пресвятаго/ от юности, святителю, был еси,/ темже и нас тому жилище/ молитвами твоими покажи,/ да вси честное твое пренесение почитаем.

Стих: Восхвалятся преподобнии во славе/ и возрадуются на ложах своих.

Всех архиерéов Россiйских/ похвалу́ ты свéмы, святiтелю,/ и священников благолéпие,/ спасай всех, честнóе твоё пренесéние/ пёсньми слáвлящих.

Слáва, и ны́не: Вiден бысть, таковáя могúщим вiдети,/ на уготóваннем тебе́, óтче, мéсте/ преслáвно гóлубь парящ:/ я́ве бо всем назна́менав показá,/ я́ко и по честнém преставлéнии твоém/ Дух Пресвяты́й дéйствует всегда́ тобо́ю./ Егóже моли́ спребывáти любящим ты/ и честнóе твоё пренесéние духóвне прáзднующим,/ да вси тебе́ дерзновénно,/ я́ко чадолюбiва отцá, пёсньми почитáем.

<далее см. основной Чин>

Утром 6 сентября

Изменяемое №11

По 1-м стихослóвию седáльны *глас 3:*

Град и лю́ди, честнóе твоё пренесéние со священными прáзднующия,/ невечérним свéтом просвети́/ и свýше тем Божéственную благодáть низпосли́,/ да вси тебе́ ублажа́ем прiсно и любóвию вопи́ем:/ Пётре прехвáльне, моли́ Христа́ Бóга спастися душáм нáшим.

Слáва, и ны́не, Богорóдичен: *<далее см. основной Чин>*

Изменяемое №12

По 2-м стихослóвию седáльны *глас 8:*

Возлюбил еси́ óный век, прiсно пребывáющий, измени́в тлénными вéчнующая./ Тémже к Гóрним шéствие невозбрáнно имéл еси́, святiтелю Пётре премúдре,/ Христа́ Бóга моли́ спасти́ всех,/ честнóе твоё пренесéние пёсньми слáвлящих.

Слáва, и ны́не, Богорóдичен: *<далее см. основной Чин>*

Изменяемое №13

Тропа́рь *глас 4:*

Настá днесь всечестны́й прáздник/ пренесéния честны́х мощéй твои́х, святiтелю Пётре,/ веселя́ изрядно твоё ста́до,/ и вёрное отечéство, и лю́ди,/ о н iхже не оскудева́й, моля́ся Христу́ Бóгу,/ еже от Него́ даровáнной ти па́стве сохранiтися от враг ненавéтованней/ и спастися душáм нáшим.

Ин Тропа́рь:

Благовѣрно пожѣвъ въ мирѣ,/ житіемъ чѣстымъ просвѣтившася,/ учениемъ святительства пріятъ паству,/ апостоломъ наследниче./ Темъ пріемъ даръ чудесъ отъ Бога, отче Петре,/ моли Христа Бога,/ да спасетъ души наша.

<далее см. основной Чин>

Изменяемое №14

На хвалѣтехъ стихиръ:

Стихъ: Сотвори́ти въ нихъ судъ на́писанъ./ Сла́ва сѣя́ будетъ всемъ преподо́бнымъ Егѡ.

Стихъ: Хвалѣ́те Бога въ святы́хъ Егѡ,/ хвалѣ́те Егѡ въ утвержде́нии си́лы Егѡ.

Стихъ: Хвалѣ́те Егѡ на си́лахъ Егѡ,/ хвалѣ́те Егѡ по мно́жеству вели́чества Егѡ.

Гласъ 8. Отче святителю Петре,/ всемъ благимъ образъ доволенъ былъ еси,/ къ Горнему житію веду́щъ,/ смиреніемъ и кротостію./ Тѣмже отсю́ду Христосъ/ пастыря тѣ людемъ Своимъ устрѡяетъ,/ Егѡже моли́ спасти и уще́дрити всехъ,/ вѣрою и любѡвію/ честное пренесѣніе твое́ прѣсно сла́влящихъ.

Стихъ: Хвалѣ́те Егѡ во гласѣ́ тру́бнемъ,/ хвалѣ́те Егѡ во псалти́ри и гу́слехъ.

Отче святителю Петре,/ всемъ благимъ образъ доволенъ былъ еси,/ къ Горнему житію веду́щъ,/ смиреніемъ и кротостію./ Тѣмже отсю́ду Христосъ/ пастыря тѣ людемъ Своимъ устрѡяетъ,/ Егѡже моли́ спасти и уще́дрити всехъ,/ вѣрою и любѡвію/ честное пренесѣніе твое́ прѣсно сла́влящихъ.

Стихъ: Хвалѣ́те Егѡ въ тимпа́не и ли́це,/ хвалѣ́те Егѡ въ стру́нахъ и орга́не.

Отче святителю Петре,/ ты, яко архиерей священъ,/ пресвѣтло вънутрь Небеснаго чертога бывъ,/ сцарствуеши все́ми царствующему Влады́це Христу́,/ Ему́же съ Вы́шними ликостоя́нии/ пресла́вно предсто́иши./ Моли́ся спасти и уще́дрити вся,/ вѣрно Божественное твое́ и честное пренесѣніе/ пѣсньми сла́влящия.

Стихъ: Хвалѣ́те Егѡ въ кимва́лахъ dobroгласныхъ, хвалѣ́те Егѡ въ кимва́лахъ восклицáния./ Вся́кое дыха́ние да хва́литъ Го́спода.

Отче Богоно́се Петре,/ днесъ пресла́вно въ цѣркви телѣ́снѣ/ священныхъ рука́ми свѣтло но́сишися,/ иже всегда́ ду́хом живы́й на Небесѣхъ,/ и, со святы́ми водворя́яся,/ не забуди́, моля́ся,/ спасти и уще́дрити вся,/ пресвѣтлое успѣ́ніе твое́/ пѣсньми прѣсно сла́влящия.

Сла́ва, гласъ 6: Еще́ от ю́наго вѡзраста/ Бо́гу освященъ бывъ, святителю,/ и премудрости ра́читель былъ еси́,/ сего́ ра́ди и потща́лся

есї/ тлѣнными вѣчнующая стяжати,/ воздержанія броздами себе
обложив,/ плоть духу повинул есї./ Тѣмже и по честнѣм твоѣм
преставлѣнии/ с Небѣсными совокупляешия ликостоянии,/ ѡхже и
житію во плѣти поревновал есї./ Христѹ, Емѹже от юности
послужил есї,/ молися спастися всем,/ честное пренесѣние твоѣ
пѣсньми прїсно славящим.

И нынѣ, Богородичен: <см. основной Чин>

Изменяемое №15

Кондак глас 4:

Явїся днесь пресвѣтлая пѣмь твоѣ,/ святїтелю преблаженне
Пѣтре,/ в мїре свѣтло сияюще/ и являюще всем/ Божественное
сияніе.

Ин кондак, глас 8:

Яко врачѣ презрѣдна и истѣчника чудесѣм обильна,/ днесь
сошедшея любѣвию, духовная твоѣ чѣда,/ в пренесѣние честных
мощей твоих,/ архїерѣю Пѣтре, молим тя:/ моли Христа Бога
даровати честным твоим пренесѣнием/ вѣрному воїнству нашему на
враги победительная,/ да твоими к Богу молитвами находящих зол
избавльшеся,/ радостною душою и веселием сѣрдца/ благодарная ти
воспоѣм, глаголюще:/ радуйся, ѡтче Пѣтре, архїереев и всеѣ
Россїйскїя земли удобреніе.

<далее см. основной Чин>

На Литургии

Изменяемое №20

Прокїмен, глас 1: Уста моя возглаголютъ премудрость/ и поучѣніе
сѣрдца моего разум. *Стих:* Услышите сїѣ, вси языцы,/ внушите, вси,
живущїи по вселенней.

Изменяемое №21

Аллилуїа, глас 2: Уста праведнаго поучатся премудрости, и язык его
возглаголет суд.